

GIG 50

KOBETAKO SIMA

BALIO INTRINTSEKOA: 2

BALIAGARRITASUN-MAILA: 1,88

KALTEBERATASUN-MAILA: 1,25

GIGaren DESKRIBAPEN LABURRA

Kobetako sima Olazko poljearen (48. GIGa) hegoaldeko muturrean dago, 384 metro garaiko pinakulu karstiko bat inguratzen duen ibarbide txiki baten hondoan. Arno mendigunean gehien garaturiko leizea da, bertikalean zein horizontalean.

Leizearen sarbidea 290 m-ko kotan dago: 15 m-ko putzu bertikal bat da, ibarbidearen paraleloan dagoen norabide-haustura baten kontra garatua.

100 m-tik gorako desnibela du, eta haren hasierako garapena bertikala da funtsean: ondoz ondo ageri dira kateatuta karstaren eremu zabala erabat zeharkatzen duten jauziak eta putzuak. Azkenik, lurpeko ibai azpihorizontal txiki batera iristen da, zeina maila freatikoaren egungo posizioarekin lotu baitaiteke. Ibai horrek eremu aserantz bideratzen ditu ur drainatuak, poljearen azalera planifikatuaren azpitik hamar bat metro eskasera.

Barrunbean, forma ederreko berreraikitze litokimikoak ageri zaizkigu, hala nola estalaktitak, estalagmitak, banderak eta abar.

NOLA BERTARATU

Mutrikutik, GI-3562 errepidea Olatz aldera hartuta. San Isidro basiliza igaro ondoren, hegoalderantz jarraitu behar da, Iturritza baserriraino. Simara iristeko, baserri atzeko ibarrean gora igo behar da.

GIG HAU IKUSTEKO LEKURIK ONENA

In situ. Ez da egokia jende guztientzat; beharrezkoa da espeleologia bertikalaren teknika ezagutzea.



Kobetako simaren bertikal handia. Argazkia: Burumendi Espeleologia taldea.



UTM KOORDENATUAK (30N EREMUA):

X = 548203 / Y = 4791614 / Z = 290



Kobateko bolumen handiak.

Argazkia: Burumendi Espeleologia taldea.